

**Pelegrinaje a Munt Maria (Marienberg) cun le KVV La Ila** por i paisc da La Ila, San Ciascian y Badia le mertesc ai 21 de ma. An pèia ia da Badia cun la coriera dales 06:40, spo dales 11:00 a Marienberg la Mèssa cun siur degan y dedò vijita al museo. Dales 13:00 a Burgeis la marèna y domisdé vijita al "Monn dles orchidees" a Gargazon, por rovè a ciasa incèr les 19:30. Le iade cun marèna costa por i scric ite 60€ y por i nia scric ite 70€. Prenotaziuns cina ai 13 de ma pro Hubert al nr. 339 1698343.

**Conzert dla Mùjiga de Badia:** en vèndres, ai 10 de ma dales 20:00 vègnel organisé le tradizional conzert de aisciöda; chësc ann cun le titul "*Mùjiga che porta ligrèza*". Düc é dër bel invιά.


**Presentaziun dl liber *Bäuerliche Kapellen in Südtirol*** cun l'auturia Margot Schwienbacher y la surastanta dles Patrones dl Südtirol Antonia Egger en jöbia ai 9 de ma dales 20:00 te biblioteca a La Ila. Les Patrones de Badia, la Biblioteca Sas dla Crusc y le Consèi de Formaziun ves inviéia dër bel.

**Cëna cun teater:** le Consèi de Formaziun dl Comun de Corvara mèt a jí en sabeda 11 de ma dales 19.30 tl salf dles manifestaziuns a Corvara na cëna cun n teater criminal. Infos y prenotaziuns pro Sonia al nr. 3491588485

**Referat:** "*Ci dess pa savèi incö l'anuzadú sura l'inteliënza artificziala?*" ai 7 de ma dales 20.00 a La Ila te Ciasa dla Cultura, cun Martin Dobes. Le KVV La Ila y le Consèi de Formaziun Badia ves inviéia.

**Referat organisé dal KVV Badia:** "*Arpejun - testamënt - sozesciun ereditara*": en mercui ai 15 de ma dales 20.00 a Badia te Ciasa Runcher cun l' Av. Paul Maieron. Le referat é por ladin y l'entrada é debann.

**La Ciasa de Palsa Ojöp Frëinademetz/sorvisc de voluntariat:** chir voluntars/volontares a daidè fora ti reparc (partí fora le mangé y bëre, jí a spazier, fá conferta, passé tèmp cun i berbesc y les mèdes), dantadöt domisdé da ma a jügn, prevalentemènter dales 14:00 ales 18:00; ince ma vignitant o ince te na manira plü regulara. Interessá/des é perιά/des da se lascé aldí al nr. 0474-524767. Bel dilan damperfora.



# Plata dla Ploania Badia

San Iaco - San Linert

Ploan: Siur Iaco Wendelin Willeit


Cell. 347 909 4532

Calonia Badia: 0471/839571

E-Mail: [parrocchiabadia@libero.it](mailto:parrocchiabadia@libero.it)

Radio dla Ploania: 91,10 Mhz

UNITÉ PASTORALA



VAL BADIA

[www.unitepastorala.org](http://www.unitepastorala.org)


Ann „B“

05.05. – 12.05.2024

6° Domènia de Pasca

n. 23

Chësc é mi comandamënt .....



„Oresse bun un al ater sciöche iö ves á orü bun.“

**Vangele dla proscima domènia - Ascensiu dl Signur „B“**

Merch 16,15-20

Te chël tèmp ti é Gejù comparí ai önesc y ti á dit: Jide fora te döt le monn, y incudedi le vagnele a dotes les creatöres! Chël che creí y se lascia batié vègn salvé, Mo chël che ne creí nia vègn condané. Y tres chi, che é rová a créie, sozedaral chisc sègns: Te mi inom pararái fora demonns; ai baiará lingac nüs, ai piará ite bisches y sc'ai bër tosser mortal, ne ti fajaral degun dann, y i amará, a chi ch'ai ti mèt sò les mans, gnará varis. Do che Gejù, le Signur, ti á albü dit chësc, él gnü tut sò tl cil y s'á senté a man dërta de Dî. Èi deperpo é piá ia y pordicâ indlunch. Le Signur i sostignî y confermâ l'incundaziun tres sègns ch'al lasciâ sozede.

# FUNZIUNS SACRES

## 05.05. **6<sup>a</sup> DOMÈNIA de PASCA - Ann B**

10.00 **Zelebrazium dla Parora de Dì**  
16.00 **a Oies: Mëssa por i jogh cun le cor Provoxis**  
18.00 **Mëssa**  
†ti Edi y Fefa Adang  
†ti de Franz y Maria Campej  
en rengraziamënt ales animes dl purgatore

06.05. **Lünesc**  
**18.00** *Devoziun de Ma cun chi dla scolina, scolars y families*

08.05. **Mercui** - *Mëssa cun i scolars y scolares*  
07.25 †to siur Franz Sottara  
†ti de Olga Rungg  
†ta Maria Pitscheider da Reslada ( dala uniuin èles )

09.05 **Jöbia dles Crusc**  
**07.00** *Prozesciun dles Crusc da S. Linert a Oies – S. Mëssa*  
†ta Tarina Pitscheider Valentini  
por i Angeli Custodi / por les animes plö arbandonades

10.05. **Vëndres dles Crusc**  
Da duman - degüna mëssa  
**18.40** *Prozesciun dles Crusc da S. Linert a La Ila – Funziun*

11.05. **Sabeda dles Crusc**  
**07.30** *Prozesciun dles Crusc te paisc y Mëssa*  
†to Martin Valentini  
por les families de Rita Adang Valentin  
en rengraziamënt  
16.00 Mëssa a Oies  
19.30 *Devoziun de Ma*

## 12.05. **FESTA dl'ASSÈNZA / Festa dla Prüma Comuniun**

**09.45** *dan colonia: salüt y ingres te dljia di neocomunicanc*  
10.00 **Mëssa cun i mituns dla 1. Comuniun y la Comunité**  
†to Stefo Irsara  
†ta Maria Alfreider Burchia  
†to Paul Frenademetz  
18.00 **Mëssa**  
†ta Emma Pizzinini Costner  
†ta Zilia Rudiferia Declara  
†ti de Eduard y Nina Tavella

# Dala VITA dla CÛRA

**Devoziun de Ma:** en lünesc, ai 6 de ma sarála bele dales **18:00** olache düc i mituns y les mitans dla scolina y dla scora elementara é inviá/des adüm ales families.

**La Uniuin Èi Val Badia KMB** inviëia düc i èi y i jogh ala prozesciun con linternes o ciandères (da se tó do) en lünesc ai 13 de ma, dales 21:00, da Porsenu a Neustift. I piun ia dal Vinzentinum y jun a Neustift olach'al gnarà zebré na mëssa. Al é na coriera che pëia ia da La Ila dales 18:50. I interessá dess s'anunzié pro le surastant dl paisc o pro Leo Crepaz, tel. 348 4096351 cina ai 12 de ma.

**Festa di jogh da Pasca de Ma a Neustift:** bele por le terzo ann organisëia la Loretto-Gemeinschaft n'incuntada por jogh dai 10 agn insö por la festa de Pasca de Ma a Neustift, dal vëndres 17 ala domënia 19 de ma. An pó ince ma tó pert a n de su! Infos y prenotaziuns sön: [www.pfingsten.at/brixen](http://www.pfingsten.at/brixen). Al é na bela ocasiun por imparé a conësce nüs jogh, por sté en compagnia, por aprofondí túa fede.

**Lavé la dljia:** i periun düc chi che pó, mo dandadüt les umes y magari ince val' pere di mituns/mitans dla Prüma Comuniun, da gní en lünesc, ai 6 de ma dales 08:00 / 08.30 inant a daidé.

**8% por la Dljia Catolica:** cun na firma sön osta " denuncia dei redditi " o sön le mod. CU podëise destiné l'8% ala Dljia Catolica. Implö podëise sostení cun le 5% val'atra organisaziun catolica o sozuala.

I recordun che la proscima **Zelebrazium dl Bato** a Badia sará la domënia, ai 26 de ma.

## **Dis dles Rogaziuns – da ji con crusc**

Chisc dis fos na bela ocasiun da se to n pü'de tēmp por perié y jí deboriada fora por les contrades de nosc paisc a benedí le laur y nostes abitaziuns. Le salm dij: Sce le Signur ne dëida nia, ne lascia nia crësce, laora la porsona por nia. I un düc da perié y da rengrazié, da ciaré de nosta sanité y dla bela natöra.

*Siur Degan*